

San Pablo Filemonre chũ'o tocha saosi'ea'me

Filemonni chũ'o saomũ Pablo

¹ Chũ'ũ, Pablo, Jesucristo pa'iche chũ'vakũjekũ pãĩ chẽavũ'ere pa'imũ. Mai majapãĩũja'iu Timoteona'me chũ'ũ ie chũ'o saomũ mũ'ũre Filemonre, chũkũna rũa cuasakũ'te, Dios chũ'o chũkũna sani chũ'varũmũ cho'okai-si'kũre. ² Ũcuaja'che chekũnare Diore cuasakuanupũ mũ'ũ vũ'e chi'inare Diore cuasako'te Apiana'me chũkũna chũ'vacheja'che Dios chũ'o chũ'vakũ'te Arquipo'te iere saome chũkũna. ³ Mai Ja'kũ Dios, Maire Paakũ Jesucristona'me mũsanũkona rekoñoãna re'oja'che pa'iche cho'okaiũna re'oja'che pa'ijũ'ũ.

Filemón Diore cuasachena'me repaũ Diore cuasanare oiche'te kuamũ

⁴⁻⁵ Maire Paakũni Jesucristoni chiiũ mũ'ũ cuasache asasi'kũa'mũ chũ'ũ. Ũcuaja'che Diore cuasanare ũcuaukore mũ'ũ oiche asasi'kũa'mũ chũ'ũ. Jã'ajekũna mũ'ũ re'oja'che pa'iche'te asa cuasakũ, Dioni si'arũmũ sẽeũ, "Re'orepamũ", chiimũ chũ'ũ Repaũ'te. ⁶ Dioni sẽekaimũ chũ'ũ, mũ'ũri Jesucristo'te cuasache kũachũ'ore chekũnani kũakũ Repaũ maire Repaũ'te cuasanare re'oja'che cho'okaiche'te peore masia'kũ chini. ⁷ Diore cuasa-kũjekũ chũ'ũ majapãĩũja'iu'mũ mũ'ũ. Diore cuasanare mũ'ũri oiũna asa pojokũ re'oja'che pa'imũ chũ'ũ. Mũ'ũri re'oja'che cho'okaiũna sũmava'na pa'isina rũa pojokũ pa'ime repana.

Filemonpi Onésimoni re'oja'che cho'okaau chini sẽemũ Pablo

⁸ Mũ'ũri chũ'ũni re'oja'che cho'okaau chini chũ'ũre Cristo saosi'kũni chũ'ũũato chũ'ũre'omũ. ⁹ Jã'ata'ni mũ'ũre Diore cuasanare oikũjekũna cho'okaau chini sẽemũ chũ'ũ. Chũ'ũ, Pablo chura aiva'ũa'mũ. Jesucristo pa'iche chũ'vakũjekũ pãĩ chẽavũ'ere pa'imũ chũ'ũ. ¹⁰ Mũ'ũri Onésimoni oiũ re'oja'che cho'okaau chini sẽemũ chũ'ũ. Chũ'ũri pãĩ chẽavũ'ere pa'iu

Dios chu'ore chu'vakuna asa chëa Jesucristo'te cuasamu repau Onésimo. Jã'ajekuna chu'u chiija'iu'mu repau.

11 Aperumu repau Onésimo cu'ache pa'iu mu'u chũ'uñe re'oja'che cho'okaimaneasomu. Churata'ni Jesucristo'te cuasakujeku chu'ure re'oja'che cho'okaiu, mu'ure ũcuachi'a re'oja'che cho'okaija'mu repau. 12 Mu'uni co'chomu chu'u repau'te. Chu'u meñe oicheja'che rua oimu chu'u repau'te. 13 Mu'upi ichejare pani chu'ure Dios chu'ore chu'vakũ chëacojñosi'kure cho'okaira'amũ. Jã'ajekuna mu'u cho'okaira'asi'eja'che Onésimopi sai-ma'ñe pa'iu cho'okaito pojora'amũ chu'u. 14 Jã'ata'ni mu'ure sëema'ñe tua paacuheku co'chomu chu'u repau'te. Mu'upi, “Onésimore paajũ'u”, chiitota'ni paara'amũ chu'u.

15 Repau Onésimo mu'ure jo'ka saniso jmamakarũ ja'me pa'imanesi'e cu'ama'mũ. Chura Diore cuasaku mu'uni co'iuña si'arumu paaja'mu mu'u repau'te. 16 Aperumu mu'u repau'te mu'uni rupũ cho'oche'te cho'okaau chini paasi'kua'mũ. Churata'ni Jesucristoni cuasakuna mũche'ure rua chiiu paacheja'che paaja'mu mu'u repau'te. Repau'te Onésimore rua chii-mu chu'u. Jã'ata'ni mu'upi repau'te na'a rua chiijũ'u. Repau Onésimo mu'ure rupũ cho'oche cho'okaijachechi'a cuasama'ñe, “Onésimo Jesucristo'te cuasakujeku chu'u majapãiuja'iu'mũ”, chiiu cuasaku pojojũ'u. 17 “Chu'ure ja'me pa'iku'mu Pablo”, chiiku'mu mu'u chu'ure. Jã'ajekuna mu'u chu'ure ña pojoku cho'ocheja'che Onésimore ũcuaja'che ña pojoku cho'ojũ'u. 18 Repau Onésimo mu'ure cu'ache cho'osi'e pa'ito chekurumu mu'uni pōsero'i paato chu'upi ro'ikaija'mũ. 19 Chu'urepaaji ija'ovana tochamu chu'u ie: Repau Onésimo mu'uni pōsero'i paato chu'upi ro'ikaija'mũ. Chura chu'ure i'kauama'ñeta'ni ũcua i'kara. Chu'upi mu'uni cu'are ũsekaimau Jesucristo pa'iche'te mu'uni kuamaneru Repau'te cuasama'ku jünisoru cu'ache ti'jñera'amũ mu'ure. Jã'ajekuna mu'u chu'ure rua pōsero'i paakujache pa'imũ cu'ache ũsekaisi'e ro'i. 20 Chu'u majapãiuja'iu, asarepajũ'u. Mai Jesucristo'te ũcuate'e'u'te cuasanaa'me. Jã'ajekuna mu'upi chu'uni cho'okaau chini sëemu chu'u. Repau'te Onésimore mu'upi cuhema'ñe jo'e paato rua pojoja'mu chu'u.

21 Ija'che cuasamu chu'u: “Chu'u sëesi'e Filemón cho'okaijacosomu. ũcuachi'a chekurumu ikure Onésimore na'a rua re'oja'che cho'okaijacosomu repau”, chini cuasaku ie chu'o tocha saomu chu'u mu'uni sëeu. 22 ũcuachi'a chu'u sani kãijaruupũ care'vakaijũ'u. Mũsanukonari chu'uni eto'a'ku chini Dioni sëekaijuna, ivu'e pã chëavũ'e eta sani ñaja'mu chu'u mũsanukonare, chini cuasamu chu'u.

Tocha pi'nisi'ea'me

23 Epafras, ũcuaja'che Dios chu'o chu'vakujeku chu'una'me pã chëavũ'ere pa'iu chu'o saomu mũsanukonare. 24 ũcuaja'che chu'upi Dios

chʌ'ore chʌ'vakuna cho'okaisina Marcona'me Aristarco, Demana'me Lucas chʌ'o saome mʌsanʌkonare.

25 Maire Paakʌ Jesucristoji re'oja'che cho'okaaʌ mʌsanʌkonare. Re'omʌ.
Pablo